

A Malacella

I

A l'appollu di i piugoni
 Quandu a notte
 Ingutuppa di piloni
 Monti e ciôtte,
 Si tu franchi lu vaglinu,
 A l'orlu di lu paese,
 Ti sguilla un *gridu misginu*
 Chi fala cu lu muntese.

Riturnella

Attinzione, ô paisanu
 Attinzione!
 In puntizzina
 Di l'alburu più supranu
 Più majone,
 Balla una forma bianchisgina
 A l'occhju stranu,
 Nant'à più alta rambella
 Ci canta la malacella!
Riscattu! Riscattu!
Pigliati un tale!
Lu più vecchju, lu più vecchju
Lu più vecchju di u lucale!

II

Quando si leva la nebbia
 Da e stagnare,
 Si tu chjacchjereghj a beghjâ
 Cu Cummare
 Parla pianu e rientri bassu,
 Senza déda ne lampione,
 Un fâ bréa a mézu chjassu
Sinnò senti le ciccone!

III

Quando a terra s'innamora
 Di veranu,
 Ch'ogni sera allonga l'ôra
 Arba e granu
 Si tu dôrmi a lu celente
 Cu lu còre spinseratu
 Un fisciu si face sente
Chi ti secca còre e fiatu.

IV

Quande tu giri le pieghje
 E la marina,
 Le purette sbrusgiuleghje
 Di statina.
 Si tu cerchi li padroni,
 Li zatabicchi e zinzale,
 Ti basgianu a pizziconi,
Ma appronta lu funerale!

V

Quande tu vedi lu trenu
 Sfilà in gara
 Ch'ellu fuma a grungnu pienu
 Senza fiara,
 Subitu ti ficchi drentu!
 Chi piacè! cumu cammina!
 Ma stat'appena un momentu
Dà i secucculi ti assassina!

Riturnella

Attinzione, ô paisanu
 Attinzione!
 In puntizzina
 Di u vagone più supranu
 Più majone
 Balla una forma bianchisgina
 A l'occhju stranu
 Nant'a mascina trinichella
 Ci canta la malacella!
Riscattu! Riscattu!
Pigliati un tale
Funtanechju, Funtanechju,
Funtanechju chi va male.

VI

Si tu pigli lu batellu
 A *Fressinè*
 Distesu cume un purcellu
 In pianu e bè,
 Prima di jungne a scalà
 T'isgonfia cume un buttacciu
 La to carne è baccalà,
E frumba lu janguigliacciu!

Riturnella

Attinzione, ô paisanu,
 Attinzione
 In puntizzina
 Di lu maghju più supranu
 Più majone
 Balla una forma bianchisgina
 A l'occhju stranu.
 Nant'a più alta stichella
 Ci canta la malacella!
Riscattu! Riscattu!
Pigliati un tale
Fressinecchju, Fressinecchju
Lu spavecchju di u lucale!

VII

Au sbarcà di li turisti
 L'Isulella,
 Sempre afflitta e occhj tristi
 Cusi bella,
 Dice: un n'aghju bapu e mam ma
 Campu cume un'urfanella
 Alzu lu ditu e lu capu,
 Ma nisunu m'innanella!

Riturnella

Attinzione, ô girundanu,
 Attinzione
 In puntizzina
 Di lu monte più supranu
 Più majone
 Balla una forma bianchisgina
 A l'occhju stranu
 Soprà la *Terra martulella*
 Ci canta la malacella!
Riscattu, Riscattu
Per Cirneella
 Chi un n'è vecchja chi un n'è vecchja,
Chi un n'è vecchja, ma xitella.